

西
沔
外
集

西涯外集

西滬外集卷第二

門人

新津童棧編輯
成都宋寶械
眉州劉鴻典
男 茲蟻校刊

藥言賸稿

讀書以防檢此心猶服藥以消除此病病雖未除常使藥力
勝則病自衰心雖未定常使書味勝則心自正

聖賢之言常將來眼前過口頭轉心頭運

於倫常日用閒未能事事當理卻事事用心求其當理此便

謂之賢者事事用心求其當理卽能事事當理此便謂之大賢聖賢許多言語祇是要人於倫常日用閒處置得停停妥妥歸於有當而已更無奇特之事

人不可孤立孤立則危一家而外在宗族當不失宗族之心在親戚當不失親戚之心以至鄉黨朋友亦如之得其心非他接之以忠信之心敬慎之心平恕之心而已人情不遠一人可處則人人可處獨病吾有所未盡耳是以君子不求人求己不責人責己

世人相與非面上則口中也人之心固不能掩於面與口而

不可測者則不盡於面與口也故惟人心最可畏人心最不可知有一拙法推之以至誠施之以至厚持之以至慎遠是非讓利名處後下則夷狄鳥獸可骨肉而腹心矣

做人要做箇萬全至於名利地步休要十分占盡常要分與大家占些自家就帶些破綻不妨何者天下無人我兩遂之事我得人必失我利人必害我榮人必辱我有美名人必有媿色是以君子辭完處缺使人我一般不嘒嘒露頭角立標準而胸中自有無限之樂孔子謙己常自附於尋常人此中極有意趣

近世料度人意常向不好邊說去固是衰世人心無忠厚之意然士君子不可不自責若是素行孚人便是別念頭的人亦向好邊料度何者所以自立者足信也故君子慎所以立

忠信篤敬在己者未盡而以責人人亦以此責我矣然在己者既盡在人者亦不必深責今欲責人之似己一或不滿意便疾之已甚亦甚非有容者祇結怨於人耳

過責望人亡身之念也人之相與要兩有退心不可兩有進心自反者退心也萬福皆生於退反

言人貪言人邪在己卻未必廉未必正如何自家忘了自家
人祇言人心難測不知自家心更難測祇言人心不平不知
自家心更不平能以己例人則可以無責於人能卽其所
責於人者反求諸己則益當知所以自克矣

聖人度量宏廣故取人極寬如仲叔圍祝鮒王孫賈皆未必
賢以其才可用猶取之後之君子好議論於人必責備無
已此無他度量狹隘故也

古之君子聞忠孝節義之事有三思思效法思贊歎激揚思
交相策勵今之君子反生三疑疑聞而傳者或設疑或別

有所爲未必從此起見疑或出於一時之激烈未必中心
所安此病皆由骨寒胃弱膽薄腦枯全無生氣陽明如何
望他長進

處已接物常懷慢心僞心妒心疑心者皆自取輕辱於人君
子不爲也

人有言不達意者有其狀非其本心者有其言貌誣其本心
者君子觀人與其過察而誣人之心甯過恕以逃人之情
明者料人之所避而狡者避人之所料以是相與是賊本真
而長奸僞也是以君子甯犯人之疑而不賊己之心

厚德之士能掩人過盛德之士不令人有過不令人有過者
體其不得已之心知其未至之情而預遂之者也

人到無所顧惜時雖君父之尊不能使之嚴鼎鑊之威不能
使之屈千言萬語不能使之喻雖聖人亦無如之何也已
聖人知其然也每養其體面恤其情私而不使至於無所
顧惜

無識見的人難與說話偏識見的人更難與說話

越是聰明人越教誨不得

人心之不同如其面焉吾敢謂子面如吾面乎於此而悟涉

世之理焉曰與人同事而欲其盡如吾意也不可得矣
人與人風馬牛不相及兩不相涉便兩不相干何也遠故也
有遠必有近近而不相得則凶

眼前可愛的人都是可怕的人眼前可惡的人都是可憐的
人

炎涼之態富貴更甚於貧賤妒忌之心骨肉更狠於外人若
不視之爲恆情處之以常理鮮不日坐煩惱障中矣

常人才有觸卽有不平意祇是量小
犯而不校最省事

譬如行山徑中衣巾爲荆棘所掛祇合徐行緩解若躁不能
忍迫欲去之則左鉤右螫愈加煩擾人之處橫逆者當知
此理也

容得幾箇小人耐得幾樁逆事正如噉橄欖當下不無酸澀
然回味時滿口皆甘

凡遇不得意事試取其更甚者譬之胸次自然涼爽此降火
最速之劑

世閒無一處無拂意事無一日無拂意事祇度量寬平有受
用處彼褊淺者空自煩惱耳

我不能耐事而令事如吾意否則躁煩我不能容人而令人如吾意否則譴怒如是則終日無自在時矣而事卒以僨人卒以怨我卒以損此謂至愚

祇見得眼前都不可意便是箇礙世之人人不可我意我必不可人意不可人意者我一人不可我意者千萬人嗚乎未有不可千萬人而不危者也是故智者能與世宜至人不與世礙

規模先要箇闊大意思先要箇安閒褊急二字處世之大戒也

天下之物紆徐柔和者多長迫切驟急者多短故烈風驟雨
無崇朝之威暴漲狂瀾無終日之勢催拍蹙調非百板之
聲急策緊銜非千里之轡人生壽夭禍福無一不然徧者
可以鑒矣

性情苛戾者能使骨肉不相親況遠者乎和平者能使仇家
忘其怨況平人乎

古人之寬大非直爲道理當如此亦然有受用處宏器度以
養德也省忿怒以養氣也絕仇讎以遠禍也

人譽己果有善但當持其善不可有自喜之心無善則增脩

焉可也人毀己果有惡卽當去其惡不可有惡聞之意無惡則加勉焉可也

譽有益於名無益於實毀有損於名無損於實君子務實而已毀與譽兩無與也

聞謗而怨者讒之囿也聞譽而喜者佞之媒也絕囿去媒讒佞遠矣

事事順吾意而言者小人也亟宜遠之

天下無諂人諛人之君子亦無好人諂好人諛之君子

輕信驟發聽言之大戒也

涵養不定的惡言到耳先思馭氣氣平再沒錯的

人情和其聲而言之入耳必順厲其聲而言之入耳必逆故
工讒者不必易其人之言也但就其言而厲聲以告則無
不按劍而起矣

猝然被人怒罵時我一生病痛有父兄所不及戒師友所不
及規者都被他和盤託出正好下氣反觀切不可草草聽
過

凡當事無論是非邪正都要從容蘊藉若一不當意便忿怒
而決裂之此人終非遠器

西清外集 卷二
氣忘勝心忘滿才忘露

無才無學士之羞也有才有學士之憂也夫才非有之難而
降伏之難君子貴才學以成身也非以矜己也以濟世也
非以誇人也才學如劍當可試之時一試否則藏諸室勿
以銜弄銜弄鮮不爲身禍者

我有聰明智慧人豈無耳目心思顧乃妄自尊大鄙夷一切
是不但爲有識者所竊笑卽庸眾亦竊議其後矣謂人莫
己若謂人言不足恤求之聖賢聖賢中無是人求之豪傑
豪傑中無是人自命不凡不識其自居何等也

敬者德之聚古人恆以此觀人而威儀所以定命又恆以此
決人禍福末世禮教不明士人習於傲慢乃至父兄師長
前亦竟有侈然自放者此等處尙敢不敬尙敢無禮即使
聰明出眾微幸成名有不敗以取禍者耶取禍且不必論
試問平日所讀者何書耶惟父兄師長失教以至無禮之
狀目擊之而身受之則父兄師長之可愧亦已甚矣禮者
所以固人肌膚之會筋骸之束故子弟不可不教而其所
以爲教者尤莫先於有禮傲慢施於父兄師長若見達官
貴人未有不循循規矩倍加謹

凜者有無人品有無人心清
夜試卽此二事對勘一番